



Universitätsbibliothek Paderborn

**Vita Venerabilis Arnesti, (vulgò Ernesti) Primi
Archiepiscopi Pragensis**

Balbín, Bohuslav

Pragæ, 1664

Arnesti Archi-Episcopi ab humilitate, alijsq[ue] maximis Virtutibus
defensio. Caput VII.

urn:nbn:de:hbz:466:1-42763

cem peccatorum, orare pro ijs, qui singulari erga eam amore feruntur.

Recommendantium. *Sequitur in Bohemico.* Nos
ARNESTUS jam in extremis constitutus, sed ratione sanâ utens,
ijs omnibus qui hoc miraculum scribent, narrabunt, aut legi au-
dient, quadraginta dies Indulgenciarum, vi potestatis nostræ, gra-
tiosè concedimus.

Archiepiscopum indignum. *Bob.* *additur.* *hominem indignum.*

Sanguine peccatorum. Bohemice, peccantium re-
pletis'.

*In Bohemico sic finitur narratio : Gloria & honor Christo
DEO, Domino nostro in saecula benedicto, & Mariæ Matri
eius purissimæ Virgini & gloriosæ Genitrici filij DEI.*

Arnesti Archi-Episcopi ab hu-
militate, aliisq; maximis Virtu-
tibus defensio.

CAPUT VII.

Non deerunt, sine dubio, si qui fortasse
in sanctorum virorum gestis parum adhuc versati,
ignorant quanto studio, & artificio, quantaque atroci- Mira Arnesti
humilitas.
tate verborum, sua ipsis minima vitia detestentur, & explicent:
non deerunt, inquam, qui lecta innocentissimi Praefulsi narratio-
ne permoti, nescio quae scelera imputabunt Arnesto. Nam
E 2 quod

quod scelus ab ejus Vita absuit, quem ipsa misericordiae Mater, & pœnitentium amica, suo dignata aspectu non est? nequam, & nullius frugi adolescentem esse oportuit. Jam repetent etiam illud (quod ultro dabit Arnestus) manus ejus sanguine peccatorum fuisse plenas; addant si lubet, etiam sceleratissime usq; ad ultimam vitæ horam vixisse. Nónne quo processuri sint, vident, si velint ea, quæ humiliter scripsit Arnestus, tueri? Ego verò ita existim; ipsam hanc Beatissima Virginis aversionem, in Virgine pro maximo amoris argumento, in puer, pro summa pietatis indicio, accipi

Ob levissima errata s̄epe sancti viri plebuntur.

Terent.

Vita Hermanni.

Vita Alfonsi Rodriguez.

debere; captabat videlicet tam ambitiosè Arnesti sui amorem Virgo Beata, ut etiam machinas ex miraculis & amans & Mater ad amatum Arnesti cor occupandum adhiberet. Deinde facile a-mantibus fastidium obrepit, sed amantium ira amoris redintegratio est, idq; innumeris eorum, qui penitus se se in Divinæ Matris amore inisuaverunt, exemplis probari potest: Quantâ longissimâ iræ significatione, nescio quam Hermanni sui negligentiam (ad quem toties veniebat è Cœlo, quem Iosephum suum nominabat) DEI Mater punivit? quantæ inimicitiae, ut ita dicam, inter eandem, & Alfonsum Rodriguez, ob unum curiosum aspectum sunt exortæ? redire ad carissimum Alfonsum diu noluit, neq; nisi multo ambitu precum, & lacrymarum placata est. Parentes qai in alienis filijs grandia crimina patienter vident, tantumq; non laudant, in proprijs minima peccata ferre non possunt graviterq; animadvertisunt. Quidam sanctorum virorum levissima errata, quæ nos in communi vita risu excipimus, flagellis cæsi, morbis cruciati, etiam morte luerunt; multi qui quotidianâ Angelorum sanctorum familiaritate gaudebant, levitate aliquâ admissa, eorum aspectum in perpetuum amiserunt. Genus irritabile Vatum, appellavit Horatius; non minus in amore delicati sunt Cælites, quam Vates; ut meritò omni ope providendum sit nobis, nè nostris vitijs irasci seriò possint, aut, si ob vitæ conditionem præstare culpam non possumus, ut iræ breves & exorabiles sint, efficere. Nam ut facile offenduntur, sic miseratione imbecillitatis, vitæq; nostræ, facile mitigantur. Neq; illa me movet iterata toties ab Arnesto

Arnesto peccatorum confessio & Vita, quam vocat, *sceleratissimam*: nimis fallitur, nec *Sanctorum* virorum mores novit, qui ex eorum verbis argumentum de conscientia facit; quantis clamoribus, & fletibus furtum pomorum, lectionem item *Maronis* de Didone, aliāq; minora *D. Augustinus* prosequitur! Quoties *Ambrosius*, *Sanctissimus* Antistes, suum Tribunal, ex quo ad E. piscopatum sit raptus, inculcat! Similis *Synesius* Episcopus, qui, alicubi ait se *tam malè sibi concium esse*, ut pro se *DEV Morare* reveratur. Vide in eam sententiam exempla, & dicta *Sanctorum* virorum plurima in eorum libris, qui de humilitatis virtute scripserunt. Hanc *Arnesti* nostri innocentiam facile prudentibus virtutum, & sanctimonie alienæ conscijs probabo. Nam in primis, si sceleribus coopertus per summam vitæ licentiam, in contemptu cali & terræ agebat *Arnestus*, cur *Diva Virgo* ad brevissimam pueri orationem, quæ per tempus, quo *Antiphona Salve Regina* canebatur, protracta est, *illos suos misericordes oculos reddidit?* cur in gratiam tam citò redijt? cur iterum amavit? Hæc iræ brevitas, puerile aliquod erratum, non in vita crimen, taceo enormia delicta *substantia*, ut cum *D. Hieronymo* loquar, *Epicuri*, significat. Exspectaret certè *Diva Mater*, dum per scelerum poenitentiam *Arnestus* placare Matrem vellet, & adolescentis probi munus impleret, si irasci ex ea causa voluisse. Adde quòd *IESVS* puer in ira sequi Matrem noluerit, quin *Arnestum* (quod puero in dolore summam attulit voluptatem) blandissimè ultro respiceret ac tueretur. Gratias se *Diva Virginis* dum abiret egisse ipse facetur *Arnestus*; quid istæ gratiæ, quid in *IESV* pueri aspectu solatia? hos motus animorum, oculi & corda sceleratorum habere non solent, neque ejusmodi Pieratis genere ac dulci affectu tenentur. Deinde ipsa excusatione ætatis uti licet, & *Arnestum* omni criminis purgare: quid enim magnopere intra Scholæ angustias, vigilantibus pro fuero domi & foris Magistris, tantillæ præsertim in ætate perpetrari toties potuit, ut vita ejus sceleratissima diceretur? Nam illud quod addit, *manus suas sanguine peccatorum plena*, ex *D. Bernardo* sumpsit, cui hæc forma lo-

*santæ Viti levissima in-
te peccata ut
sacrilegia
accusat.*

*D. Angust. in
Confession.*

*D. Ambr. l. 2.
de Offic. C. I.*

Syneſ. Epist. 97.

*R. P. Nico-
Lancetus S. I.
in Opus.
Spiritus.*

*R. P. Gaspar
Tausch, S. I.
tr. de Humi-
litate.*

*Rodericus de
Humilitate.*

*Probatur
nullum in se
grave scelus
admisisse
puerum Ar-
nestum.*

*serm. de Aqua-
ducln., sive de
Naturæ. B. V.*

quendi usitata fuit, ac præcipue cùm monet, per purissimas Marie manus Christo Filio munera a nobis offerri oportere. Ad extremum, apud me pro omni argumento est, ipsa nimia sui ab Ernesto profecta accusatio, & quædam omnem audaciam superans confessio. Observant Ethici Politicq; scriptores, honestam negandi rationem esse, omnia universim, nihil in particulari promittere; nam singulatim promissis fides magis quam universis astringitur: idem in rem præsentem transferri potest exemplum. Si Ernestus nominasset crimen, aut in ea ætate, sceleratissimum, Lascivum, his & illis vitijs inquinatum, se vixisse diceret, fidem apud aliquos forsan merceretur; at cùm se inter peccatores præcipuum, in cogitationibus & operibus sceleratissimum ab illa hora usq; ad supremam vitæ sua horam canem fetidum, dignum odio mortalium omnium, sanguine peccatorum manus suas madere affirmat, quis sati sanguis fidem habeat? præsertim cui immortales Ernesti virtutes, atq; etiam miracula sunt audita? nunc Ernestus qui omnia in se accusavit vitia, nihil accusavit. Humilitas cùm contemptum sui sagaciter venatur, quoties modum excedit, fidem amittit. Illa verò maxima accusatio fuit, quod Glacio abiens, reverentiam, ut loquitur, sanctæ Imagini non præstiterit. Enorme sine dubio, & tot lacrymis & clamoribus dignum, atq; etiam in vulgus spargendum piaculum! Nullum hic ego ingrati animi crimen agnosco; nam postmodum probatus sum, hanc unam à Beatissima Virgine gratiam maximis, & in omne ævum duraturis Foundationibus ab Ernesto redemptam, ut nihil optari potuerit magis, quam Beatissimam Virginem sic irasci.

Notæ in Caput VII.

LEvissima errata. Id optimè ostendit R. P. Nicolaus Lancicius opusculo spirituali 15. de fuga peccatorum veniam, exemplo Moysis, Davidis, Ezechiae, aliorūq; sanctorum. Memini

mini me olim legere S. Elzearium Comitem, ob parvum quoddam deli- vita s. Elzea-
etum, ab ipso Christo Domino dirissime flagellatum pœnas dedisse. rii Comitis
Pragæ edita.

Sanctorum mores. Sanctissima Virgo Teresia, quadam S. Teres in Vi-
de se aliquando scripsit, quæ ignaros permoverunt, ut de innocentissima ta sua C. 32.
& DEO plena Virginis integritate cœperint dubitare, quos refellit in Humilitas S.
eius vita Didacus Jepesius (maxime lib. 3. C. 1.) citati Authores Teresia,
sententias & exemplis abundant, ut supervacanum sit probare.

Observant Ethici. Ars hac Aularum est, ut pridem magnus Aulicus Annibal Scotus L. 1. in Tacitum annotavit. Au- lici qui omnia omni tempore obsequia promittunt, minùs præstabunt ; at qui unum aliquid negotium suscepuros pollicentur, difficilius fal- lunt. Hoc scivit in Aule tropicis educatus Tiberius, qui cùm se in Senatu imparem diceret universa Reip. gerenda, & ab Asinio Gallo urgeretur, quam partem Reip. mandari sibi vellet ? elufit : non esse, inquiens, decorum pudori suo legere aliquid, aut evitare ex eo, cui in universum excusari mallet ; & tamen nihil cupiebas magis quam imperare. Bonum Histriponem hoc loco Tiberium. Lipsius appellavit in L. 1. Annal. Taciti N. 88.

Quam potissimum culpam in
ARNESTO suo Divina Mater irato
vultu indicasse & vindicasse,
videatur.

CAPUT VIII.

Refert in Græcia sua Pausanias, Her-
culem, cùm aliquando laborum satur, necessaria quietis capien-

Tahian. l. 16
Gracie f. 254
Graca edit.